

ԳԻՏԱԿԱՆ ՆԱՏԱՇՐՋԱՆՆԵՐ

1967 թ. մայիսի 6-ին տեղի ունեցավ ՀՍՍՀ ԳԱ փիլիսոփայության և իրավունքի սեկտորի գիտական նստաշրջանը, որը նվիրված էր Հոկտեմբերյան սոցիալիստական հեղափոխություն 50-ամյակին:

Նստաշրջանում կարդացվեցին մի շարք գեկուցումներ: Փիլիսոփայական գիտությունների դոկտոր Հ. Ասլանյանը «Հոկտեմբերյան սոցիալիստական հեղափոխությունը և պատմության դիալեկտիկան» գեկուցման մեջ ընդգծեց, որ Հոկտեմբերյան սոցիալիստական հեղափոխության նշանակությունը մեծ է ոչ միայն սոցիալական կյանքի վերափոխման գործում, այլև այն նոր աստիճանի բարձրացրեց մարդկային հասարակական միտքը, նշեց հասարակության առաջագիմության ուղիները, այդ առաջադիմությանը հաղորդեց փիլիսոփայության տեմայեր և իսկական մարդասիրական ուղղություն: Հոկտեմբերյան սոցիալիստական հեղափոխությունը հաստատեց մարքսիզմ-լենինիզմի արմատական դրույթները համաշխարհային պատմության օրինաչափության, զարգացման ուղղության և բնթացքի վերաբերյալ, այն խորտակիչ հարված հասցրեց ոչ միայն հին աշխարհի հիմքերին, այլև այդ աշխարհը դավաճանող զաղափարներին:

Այնուհետև գեկուցողը նշեց, որ Հոկտեմբերյան սոցիալիստական հեղափոխությունը համաշխարհային պատմության ամբողջ ընթացքում առաջադրեց համաշխարհային պատմության զարգացման, սոցիալական առաջադիմության պրոլետների լուծման ուղիներ, ժողովրդական մասսաների անելիքները այդ գործում և այլն: Մեծ Հոկտեմբերը զծագրեց մարդկության ասպագայի հորիզոններ, կախարդական ուժով կյանքի կոչեց մարդկանց միջև նոր հարաբերություններ, բարոյական նորմաներ, հասարակության զարգացման նոր օրինաչափություններ և այլն:

Իրավաբանական գիտությունների դեկտոր Ա. Բեդյանի գեկուցումը նվիրված էր սովետական ազգային պետականության զարգացման հարցին: Զեկուցողը նշեց, որ Հոկտեմբերյան սոցիալիստական հեղափոխությունը խոշոր վերափոխություններ մտցրեց ոչ միայն պետության սոցիալ-քաղաքական, տնտեսական, զաղափարական և կուլտուրական կյանքում, այլև ազգային հարաբերություններում: Լենինյան աղշային քաղաքականության իրականացման շնորհիվ մեծ հեղաշրջում կատարվեց մեր երկրի ավելի քան 130 ազգերի և ժողովուրդների կյանքում, որոնք միավորված են այս կամ այն ազգային պետականության ձևով: Նա օրինակ բերեց Հայաստանի սովետական հանրապետությունը, որը մինչև Հոկտեմբերյան սոցիալիստական հեղափոխությունը համարվում էր ցարական Ռուսաստանի հետամնաց ծայրամասերից մեկը: Սովետական իշխանության տարիներին Հայաստանը հսկայական զարգացում ապրեց: Հանրապետությունում ստեղծվեց և արագ թափով զարգանում է բազմաճյուղային ժամանակակից արդյունաբերություն՝ գունավոր մետալուրգիա, բիմիա, մեքենաշինություն, գործիքաշինություն, էլեկտրոնիկա, ռադիոէլեկտրոնիկա և այլն: Հայաստանի ձեռնարկույթությունների պիտակով բազմապիսի արտադրանք է արտահանվում աշխարհի 70 երկրներ:

Նստաշրջանի մասնակիցները հետաքրքրությամբ լսեցին նաև փիլիսոփայական գիտությունների թեկնածու Մ. Անտոնյանի «Հոկտեմբերյան սոցիալիստական հեղափոխությունը և ժողովրդական մասսաների պատմական ստեղծագործությունը», սեկտորի գիտաշխատող Ռ. Նավասարդյանի «Հոկտեմբերյան սոցիալիստական հեղափոխությունը և անհատի ազատությունը» թեմաներով գեկուցումները:

Հայկական ՍՍՀ Գիտությունների ակադեմիայի արվեստի ինստիտուտի գիտական նստաշրջանը նվիրված էր հայ կերպարվեստի պատմությանը:

Բացելով նստաշրջանը, ինստիտուտի դիրեկտոր, պրոֆեսոր Ռ. Զարյանը նշեց, որ նստաշրջանը Մեծ Հոկտեմբերի հորելյանի առթիվ հայ արվեստագետների գիտական նվաճումների ստուգատեսներից մեկն է:

Արվեստի վստահությունը դորժի: Ռ. Գրամբյանի ղեկուցումը նվիրված էր հայ միջնադարյան կերպարվեստի հայտնի ուսումնասիրող Լ. Ա. Գուսնովսկի կյանքին ու գիտա-նկարչական գործունեությանը: Գիտնականը և նրա աշակերտները պատճենահանելով հայկական բազմաթիվ հուշարձանների որմնանկարները, մեծ ծառայություն են մատուցել հայ մշակույթին, մանավանդ ե՛լն նկատի ունենա՞նք, որ այդ որմնանկարների մեծ մասը այլևս գոյություն չունի: Լ. Ա. Գուսնովսկի ղեկավարությամբ պատճենահանվել են նաև 68 ձևադրերի մանրանկարները և 1951 թ. հրատարակվել հին հայկական մանրանկարչության ալբոմը:

Արվեստագիտության թեկնածու Լ. Աղարյանը խոսեց հայ վաղ միջնադարյան արվեստում եղած սիմվոլիկայի մասին: IX—VII դդ. արվեստում, սկսած դեռ կատակոմբաների որմնանկարներից, որոշակի նշանակություն են ստանում սիմվոլիկ ընկալումները: Զեկուցողը հայկական վաղ միջնադարյան մի շարք բարձրարժեքային վերնուժությամբ ցույց տվեց, որ այդ տեղեկություններն իրենց արտահայտությունն են գտել նաև Հայաստանում (Աղյի Արշակունիների դամբարանը, Քասաղի բազիլիկայի քանդակները և այլն): Այնուհետև Լ. Աղարյանը կանգ առավ որոշ տեսական հարցերի վրա, որոնք առնչվում են վաղ միջնադարյան արվեստում տեղ գտած սիմվոլիկ մտածելակերպի հետ և պարզապես նրա ոճական ու ղեկավարական հարցերը:

Ճարտարապետության թեկնածու Ս. Մնացականյանը ղեկուցեց Աղբամարի Արծրունյաց իշխանական տան անդամների քանդակների մասին: Աղբամարի տաճարի ուսումնասիրությունը ցույց է տալիս, որ այն կառուցվել էր փառաբանելու Արծրունյաց ամրոցը իշխանության տոհմը, և նրա պատերին ահդ էին գտել ոչ միայն Վասպուրականի թագավոր Գագիկ Արծրունու, այլև նրա թագավորական տան մյուս անդամների դիմաքանդակները: Բարձրաքանդակների վերլուծությունը թույլ է տալիս եզրակացնելու, որ արևելյան ճակատի խնձույքի տեսարանում պատկերված են Գագիկ արքան և նրա երկու որդիները՝ Գերենիկն ու Աբուսահյը: Նույն ճակատի որսի տեսարանում ներկայացված է Գագիկի կրտսեր եղբայրը՝ զորավար Գուրգենը:

Տաճարի հյուսիսային ճակատում, արևելյան կողմի բաղնիստ ելուտի վրա, պատկերված է Գագիկ արքայի ավագ եղբայր Աշոտ Արծրունին, որն Արծրունիների անկախ թագավորություն հիմնելու նպատակով ապստամբեց Սմբատ Բագրատունու դեմ և համադորձակեց արաբների հետ: Որպես այս ամենի խորհրդանշան, այն պատկերված է Արծրունյաց իշխանների պարեզոտով և արաբական պատվանշան հանդիսացող չալմայով:

Արևմտյան ճակատում պատկերված երկու կանաչի դիմաքանդակներից մեկը, հավանաբար, ներկայացնում է Գագիկի մորը՝ իշխանուհի Զրանուշին, իսկ մյուսը՝ թագուհի Կեռանին: Իշխանական տան կրտսեր անդամները, որոնք նույնպես իրենց մասնակցությունն են ունեցել տաճարի կառուցման գործում, պատկերված են ոչ մեծ դիմաքանդակների ձևով՝ տեղավորված տաճարի արևմտյան խաղաթևի երկու կողմերում:

Արվեստագիտության թեկնածու Մ. Ղազարյանը ղեկուցեց XVII դարի հայ նկարիչ Աստվածատուր Սալթանյանի (Ռուսաստանում՝ Բողդան Սալթանով) ստեղծագործական կյանքի մասին: Նա 1666 թ. Ալեքսեյ Միխայլովիչ ցարի առաջարկով Պարսկաստանից տեղափոխվում է Մոսկվա և կարճ ժամանակում դառնում Գրեմլի խոշորագույն նկարիչներից մեկը:

Սալթանյանը կատարել է դիմանկարներ, կոմպոզիցիոն աշխատանքներ, սրբապատկերներ, վիտրամներ, կիրառական արվեստի բազմազան իրեր: Նա ռուսական իրականության մեջ առաջին հաջթական կամարն է կառուցել Մոսկվայում՝ Ազովի զբաղումից հետո, Պետրոս Մեծին դիմափոխելու համար: Զբաղվել է ղեկավարչության տեխնոլոգիայի հարցերով, ունեցել է բազմաթիվ աշակերտներ: Մ. Ղազարյանի իրանում կատարած հետազոտությունները ցույց են տալիս, որ Սալթանյանը սերում է նոր Աուղայեցի խոշա Սալթանի ընտանիքից՝ և նրա կյանքի վերջին տարիները նույնպես անցել են նոր Աուղայում:

Աստվածատուր Սալթանյանի մասին շատ քիչ է գրվել և նրա անունը միանգամայն անարդարացի դուրս է մնացել հայ արվեստի պատմությունից:

Մ. ՀԱՐՍԹՅԱՆ